

आकाशवाणी

खबरां ----

1. प्रधानमंत्री नरेंद्र मोदी होरें आखेआ ऐ जे भारत ते अमरीका आतंकवाद खिलाफ लड़ाई च मजबूती कन्नै कट्टे खड़ोते दे'न।
2. प्रधानमंत्री होरें आखेआ जे भारत दी 'एक्ट ईस्ट नीति' ते थाईलैंड दी 'एक्ट वेस्ट नीति' इक दुए दे पूरक न, उनें संवाद कार्यक्रम गी संबोधित कीता।
3. राष्ट्रपति द्रौपदी मुर्मू होरें आखेआ ऐ जे महिलाएं गी निडर, महत्वकांक्षी ते अगगे बढने आहला होना लोड़चदा।
4. 38मीं राष्ट्रीय खेड्डां अज्ज हल्दवानी उत्तराखंड च सम्पन्न होइयां। गृह मंत्री अमित शाह होरें उत्तराखंड गी राष्ट्रीय खेड्डें गी कामयाबी कन्नै कराने लेई बधाई दिती ऐ।
5. भारतीय रिजर्व बैंक नै भारतीय स्टेट बैंक दे साबका मुखमंत्री महाप्रबंधक श्रीकांत होरें गी न्यू इंडिया कापरेटिव बैंक लिमिटेड मुम्बई दा प्रशासक नियुक्त कीता ऐ।

<><><><><><>

PM US President

प्रधानमंत्री नरेन्द्र मोदी होरें गलाया ऐ जे भारत ते अमरीका नै 2030 ब'रे तगर दपक्खी बपार गी दुगना करी 500 अरब डॉलर करने दा फैसला कीता ऐ। उनें अज्ज वाशिंगटन

डीसी च व्हाईट हाउस च अमरीकी राष्ट्रपति डोनाल्ड ट्रंप हुंदे कन्नै दपक्खी वार्ता मगरा संयुक्त संवाददाता सम्मेलन दरान एहू गल्ल आक्खी। मोदी होरें आखेआ जे भारत ते अमरीका रणनीतिक साझेदारी गी अगगे बधाना जारी रक्खडन। मोदी होरें आखेआ जे भारत दी रक्षा तैआरिएं च अमरीका महत्वपूर्ण भूमका नभांदा ऐ। प्रधानमंत्री मोदी होरें आखेआ जे भारत ते अमरीका आतंकवाद खलाफ लड़ाई च मजबूती कन्नै खडोते देन ते इस गल्ला पर सैह्लात न जे बन्ने पारा आतंकवाद गी खत्म करने आस्तै ठोस कार्रवाई करने दी लोड़ ऐ। उनें इब्बी आखेआ जे भारत ते अमरीका आतंकवाद खलाफ लड़ाई च मजबूती कन्नै कट्टे खडोते दे'न।

<><><><><><>

PM-Thailand

प्रधानमंत्री नरेंद्र मोदी होरें आखेआ ऐ जे भारत ते थाईलैंड दे डूंगे सांस्कृतिक सरबंध न जेडे 2 ज्हार साल शा बी मते पुराने न। थाईलैंड च वीडियो कांफ्रेंसिंग राएं कराए गेदे संवाद कार्यक्रम गी संबोधित करदे होई प्रधानमंत्री होरें आखेआ जे भारत दी एक्ट ईस्ट नीति ते थाईलैंड दी एक्ट वेस्ट नीति, इक दुए दे पूरक न ते एहू नीतिआं आपसी बाद्दे विकास ते खुशहाली गी बढ़ावा दिंदियां न। उनें आखेआ जे संवाद सम्मेलन दौनें देशे दी मित्रता च इक होर कामयाबी आहला अध्याय ऐ। प्रधानमंत्री होरें आखेआ जे थाईलैंड दी समृद्ध सांस्कृतिक इतिहास ते विरासत ऐ ते एहू देश एशिया दी सांझी दार्शनिक ते आध्यात्मिक परम्पराएं दी खूबसूरत मिसाल ऐ। प्रधानमंत्री होरें आखेआ जे इस सम्मेलन थमां सेही हुंदा ऐ जे एशियाई सदी ना सिर्फ आर्थिक आकार पर सगुआं सामारिक कद्वें कीमतें पर बी आधारित ऐ। उनें आखेआ जे भगवान बुद्ध हुंदे उपदेश पूरी दुनिया गी इक शांत ते विकासशील युग च बदलने लेई प्रेरणा दिंदे न।

सांझे योगदान करने लोडचदे। उनें आखेआ जे हमदर्दी कन्नै नेतृत्व करने दा खास गुण महिलाएं कोल ऐ। उनें महिलाएं आसेआ परिवार, समाज ते विश्व दी भलाई करने ते इक अर्थपूर्ण जीवन जीने लेई मानसिक तौर पर स्वस्थ होना बड़ा जरूरी ऐ।

<><><><><><>

HM-Maharashtra

केंद्री गृह मंत्री अमित शाह होरें महाराष्ट्र दे मुखमंत्री देवेन्द्र फडनवीस हुंदे कन्नै इक मीटिंग दी अध्यक्षता करिए महाराष्ट्र च नमें आपराधिक कनूनें दी अमलावरी दा जायजा लैता। एहू त्रै नमें आपराधिक कनून न-भारतीय न्याय संहिता, भारतीय नागरिक सुरक्षा संहिता ते भारतीय साक्ष्य अधिनियम। बैठक च पोलीस, कारागार, अदालत, मुकद्देमे ते फारेन्सिक्स दी अमलावरी ते मौजूदा स्थिति दी समीक्षा कीती जा'रदी ऐ। महाराष्ट्र दी डीएसपी रश्मि शुक्ला ते दुए सीनियर अधिकारी बैठक च शामिल ना। नमें आपराधिक कनून पिछले बरे पैहली जुलाई थमां पूरे देश च लागू होए हे तां जे भारत दी न्याय बवस्था गी मता पारदर्शी, कुशल ते मौजूदा समाज दी जरूरतें स्थाबै बनाया जाई सकै।

<><><><><><>

Pulwama Attack

अज्ज पुलवामा हमले दी बरसी ऐ। अज्जै दे ध्याड़े गै ब'रे 2019 च इक आतंकवादी हमलावर नै सीआरपीएफ दे काफिले पर विस्फोटकें कन्नै भरोची दी गड्डी गी जाई मारेया हा जिस करी 40 कर्मी शहीद होई गे हे ते केई सारे जखमी होए हे। प्रधानमंत्री नरेन्द्र मोदी होरें इस हमले दी बरसी पर शहीदें गी श्रद्धांजलि भेंट अर्पित कीती ऐ। अपनी

सोशल मीडिया पोस्ट च मोदी होरें आखेआ जे औने आलियां पीढ़ियां, शहीदें दे बलिदान ते राष्ट्र प्रति उंदे अनन्युट्ट समर्पण गी कदें बी नेई भुल्लडन्न। गृहमंत्री अमित शाह होरें बी शहीदें गी श्रद्धांजलि भेंट कीती ते आखेआ जे आतंकवाद, मनुक्खता दा सब्बने थमां बड्डा दुश्मन ऐ। उपराज्यपाल मनोज सिन्हा होरें बी इ'नें दलेर शहीदें गी श्रद्धांजलि अर्पित कीती। उनें अपने सनेह च आखेआ जे उंदा बलिदान पीढ़िएं गी प्रेरित करदा रौह्ग।

<><><><><><>

Pakistan-Blast

पाकिस्तान च बलूचिस्तान दे हरनाई च बम धमाके च 11 मजदूरें दी मौत होई गई ते सत्त होर गंभीर रूपै कन्नै घायल होए न। इलाके दी घेराबंदी करी दिती गई ऐ ते घायलें गी अस्पताल पजाया गेआ ऐ। इस इलाके च पेहले ब बम विस्फोट दी कई घटनां होई चुकी दी न। हुनै तोड़ी कुसै बी आतंकवादी समूह नै इस हमले दी जिम्मेदारी नेई लैती ऐ। हालांकि, बलूचिस्तान च अलगाववादी समूह, बलोच लिबरेशन आर्मी पैहले बी इस चाल्ली दे हमले करवाई चुके देन। बलूचिस्तान दी प्रांतीय सरकार नै हमले दी निंदा कीती ते घटना दी जांच शुरू करने दे आदेश दिते न।

<><><><><><>

VP-Jammu Visit

उपराष्ट्रपति जगदीप धनखड़ होर इक दिनै दे दौरे लेई कल जम्मू आवा'रदे न जिस दौरान ओह कटड़ा च श्री माता वैष्णो देवी यूनिवर्सिटी दे 10में दीक्षांत समारोह दे मुख

परौहने दे तौर पर अध्यक्षता करंगन। आकाशवाणी दे जम्मू संवाददाता दी जानकारी मूजब उपराश्ट्रपति हुंदा रियासी जिले च त्रिकुटा पहाड़ियें पर स्थित श्री माता वैष्णो देवी दी गुा ते भैरो मंदर जाइयै मत्था टेकने दा बी कार्यक्रम ऐ। उआं उपराश्ट्रपति जगदीप धनखड़ हुंदा एहू दौरा पैहले पिछले बरे 27 दिसंबर गी होना हा, पर साबका प्रधानमंत्री मनमोहन सिंह हुंदा काल होई जाने पर केंद्र सरकार आसेआ घोषित कीते गेदे राजकीय शोक कारण इस दौरे गी अगड़ा पाई दित्ता गेआ हा।

<><><><><><>

National Games

38में राश्ट्रीय खेड्डू अज्ज हल्दवानी उत्तराखंड च सम्पन्न होए। समापन समारोह च केंद्री गृह मंत्री अमित शाह होर मुख अतिथि हे। गृह मंत्री होरें खेड्डूं दे सफल आयोजन लेई उत्तराखंड गी बधाई दित्ती ते ग्रीन गेम्स आहली पैहलकदमी आस्तै सराहना कीती। भातीय ओलंपिक्स संघ दिआं प्रधान पी.टी उषा होरें अधिकारिक तौर पर राश्ट्रीय खेड्डूं दे समापन दी घोषणा कीती। गृह मंत्री होरें राश्ट्रीय खेड्डूं दा झंडा मेघालय दे मुखमंत्री Conrad Sangma होरें गी भेंट कीता। मेघालय 39मीं राश्ट्रीय खेड्डूं दी मेजबानी करोग।

<><><><><><>

RBI

भारतीय रिजर्व बैंक नै भारतीय स्टेट बैंक दे साबका मुख महा प्रबंधक श्रीकांत होरें गी New India Cooperative Bank Limited मुम्बई दा प्रशासक नियुक्त कीता ऐ। बैंक

दे रोजमर्रा के कामकाज में उन्हीं की सहायता आसते सलाहकारों की इस कमेटी की कायम कीती गई ऐ जेदे में भारतीय स्टेट बैंक के साथका महाप्रबंधक रविंद्र सापड़ा के चार्टर्ड अकाउंटेंट अभिजीत देशमुख शामिल न। इस बैंक की नकदी संकट करी कामकाज रोकने लेई आखेआ गेआ ह।

<><><><><><>

JK Toll Tax

पिछले 5 एं बरों के दौरान केन्द्र शासित प्रदेश जम्मू-कश्मीर में टोल-टैक्स राजस्व की गुराई में बड़ा मता बाढ़ा दर्ज कीता गेआ ऐ। लोकसभा में पेश कीते गेदे आंकड़ें मूजब, बरों 2019-20 में जित्थे एह राजस्व 130 करोड़ 7 लाख रुपे ह। उथे गै 2023-24 में एह बढ़िये 436 करोड़ 86 लाख रुपे होई गेआ। आकाशवाणी के जम्मू संवाददाता की रिपोर्ट मूजब, 2023-24 के दौरान होरनें राज्यों में आं उत्तर प्रदेश में एह राजस्व 6 जहान 695 करोड़ 40 लाख रुपे के राजस्थान में 5 जहान 5 सौ तुंजा करोड़ 48 लाख रुपे ह। इससे चाल्ली साले गोआंड़ी राज्य पंजाब में इस अवधि के दौरान एह राजस्व 1 जहान 491 करोड़ 94 लाख रुपे ह। जेहड़ा जम्मू-कश्मीर के राजस्व थमां त्रै गुणा शा की मता ऐ।

<><><><><><>

JK-Power Infra

जम्मू-कश्मीर में बिजली सरबन्धी बुनियादी ढांचे की मजबूत करने लेई केन्द्र सरकार आसेआ बक्ख-बक्ख केन्द्र प्रायोजित योजनाएं तैहत 5 जहान करोड़ रुपे शा मती रकम दित्ती गई ऐ। आकाशवाणी के जम्मू संवाददाता की जानकारी मूजब जम्मू-कश्मीर में

बिजली सरबंधी बुनिया ढांचे गी मजबूत करने लेई 5 ज्हार 835 करोड़ रपे दी रकम दित्ती गेई ऐ। एहू जानकारी लोकसभा च इक आधिकारिक जवाब च दित्ती गेई जेदे च प्रदेश गी सरकारी पैहलकदमियें राहें दित्ती गेदी माली मदाद बारै दस्सेआ दसाया गेआ। इस राशि दा इस्तेमाल बक्ख-बक्ख योजनाएं लेई कीता जा'रदा ऐ जेदे च नमें सिरेआ तैयार कीती गेदी वितरण खेत्तर योजना यानि (RDSS) स्कीम बी शामिल ऐ जेदा मकसद बिजली दे नुकसान गी घट्ट करना ते बिजली दी बंड च सुधार आहनना ऐ।

<><><><><><>

Divya Kala Mela

जम्मू च अज्जै थमां दिव्य कला मेला शुरू होई गेआ ऐ। इस मेले च देश भरै दे हुनरमंद दिव्यांग कारीगर ते उद्यमी अपनी प्रतिभा दा प्रदर्शन करै करदे ना। समाजी न्याऽ ते सशक्तिकरण मंत्री डॉ. विरेंद्र कुमार ते उपराज्यपाल मनोज सिन्हा होरें इस मेले दे उद्घाटनी समारोह च हिस्सा लैता। दिव्यांगजनें गी सशक्त बनाने आहले मैहकमे पास्सेआ आयोजित एहू मेला 24 फरवरी तोड़ी हर रोज बडुलै 10 बजे थमां लेइयै रातीं 9 बजे तक लगा करोग। मेले च दस्तकारी, हथखड़ी, घरें दी सजावट आहले समेयान, पर्यावरण दे अनुकूल उत्पाद, गैहने-बंदे ते होर केई चीजें गी 20 राज्यें ते केन्द्र शासत प्रदेशें थमां आए दे 100 शा मते कारीगर पेश करै करदे ना। इस मौके अपने संबोधन च एल.जी होरें आखेआ जे प्रधानमंत्री नरेंद्र मोदी हुंदी अगुवाई आहली केंद्र सरकारै दिव्यांग लोकें दी भलाई बेहतरी आस्तै केई गैई पुट्टियां ना।

<><><><><><>